



Broj: 01-02-1-2623/25

Sarajevo: 10. 12. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-12-2025			
Organizaciona jedinica	Klasifikaciona oznaka	Redni broj	Broj prijega


ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

Predmet: Prijedlog zakona o izmjenama Zakona o plaćama i naknadama u institucijama Bosne i Hercegovine - dostavlja se

Poštovani,

Sukladno odluci Kolegija Zastupničkog doma Parlamentarne skupštine Bosne i Hercegovine, u privitku vam dostavljamo Prijedlog zakona o izmjenama Zakona o plaćama i naknadama u institucijama Bosne i Hercegovine, predlagatelj: zastupnici Nihad Omerović, Jasmin Imamović i Predrag Kojović, broj: 01-02-1-2623/25 od 8. 12. 2025., koji je Odjel za lektoriranje Tajništva Parlamentarne skupštine BiH lektorirao na bosanski, hrvatski i srpski jezik.

S poštovanjem,



Privitak:

- Prijedlog zakona

Dostavljeno:

- naslovu
- a/a

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavničkog doma, održanoj __. __. 2025. godine, i na __. sjednici Doma naroda, održanoj __. __. 2025. godine, usvojila je

ZAKON
O IZMJENAMA ZAKONA O PLAĆAMA I NAKNADAMA U INSTITUCIJAMA
BOSNE I HERCEGOVINE

Član 1.

U Zakonu o plaćama i naknadama u institucijama Bosne i Hercegovine („Službeni glasnik BiH“, br. (50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20, 65/20, 59/22, 20/25 i 30/25) član 14. mijenja se i glasi:

„Član 14.

(Platni razredi i koeficijenti za profesionalna vojna lica)

Platni razred	Čin	Koeficijent
1	Vojnik	1,70
2	Vojnik I. klase	1,75
3	Kaplar	1,80
4	Vodnik	1,85
5	Stariji vodnik	1,90
6	Stariji vodnik I. klase	1,95
7	Zastavnik	2,00
8	Zastavnik I. klase	2,10
9	Potporučnik	2,40
10	Poručnik	2,50
11	Kapetan	2,60
12	Major	2,75

13	Pukovnik	2,95
14	Brigadir	3,45

”

Član 2.

Član 18. mijenja se i glasi:

„Član 18.

(Platni razredi i koeficijenti za policijske službenike)

Platni razred	Čin	Koeficijent
1	Policajac	1, 82
2	Stariji policajac	1, 97
3	Narednik	2,12
4	Stariji narednik	2, 40
5	Mlađi inspektor	2, 50
6	Inspektor	2, 75
7	Viši inspektor	3,10
8	Samostalni inspektor	3, 45
9	Glavni inspektor	4, 40

Član 3.

Ovaj zakon stupa na snagu osmog dana od dana objave u „Službenom glasniku BiH“.

Broj:

_____.2025. godine

Sarajevo

Predsjedavajući

Predstavničkog doma
Parlamentarne skupštine BiH

Predsjedavajući

Doma naroda
Parlamentarne skupštine BiH

O B R A Z L O Ž E N J E

I. USTAVNI OSNOV ZA DONOŠENJE ZAKONA

Ustavna osnova za donošenje Zakona o izmjenama Zakona o plaćama i naknadama u institucijama Bosne i Hercegovine sadržana je u odredbama člana IV.4.a) Ustava Bosne i Hercegovine. Prema ovom članu, Parlamentarna skupština BiH nadležna je za „donošenje zakona koji su potrebni za provođenje odluka Predsjedništva ili za vršenje funkcija Skupštine po ovom Ustavu“.

II. RAZLOZI ZA DONOŠENJE ZAKONA

Predložene izmjene Zakona odnose se na vojna lica Oružanih snaga BiH, posebno na kategoriju vojnika i podoficira koji imaju najniži koeficijent za obračun plaća i čine 80% ljudstva u ukupnoj vojnoj strukturi, te policijske službenike svih policijskih agencija na nivou BiH. Cilj izmjena je poboljšanje njihovog materijalnog statusa te zaustavljanje negativnih trendova napuštanja Oružanih snaga i policijskih agencija BiH od strane ovih kategorija. Analizom odnosa djelatnih vojnih osoba, te policijskih službenika (sve do kategorije imenovanih lica) u poređenju s drugim kategorijama obuhvaćenim Zakonom o plaćama i naknadama u institucijama Bosne i Hercegovine, utvrđen je značajan nerazmjer u visini koeficijenata za obračun plaća.

Posebno negativan nesrazmjer je u odnosu na entitetske srodne kategorije kada su pitanju predmetne kategorije.

Naprimjer, prema važećem zakonu:

Raspon koeficijenata za profesionalna vojna lica kreće se od 1,60 (za čin vojnika) do 3,16 (za čin brigadira).

Za policijske službenike, taj raspon je od 1, 80 (za čin policajca) do 4, 20 (za čin glavnog inspektora).

Neadekvatno riješen materijalni status vojnika, podoficira i policijskih službenika na koje se i odnosi ovaj zakon, koji su najugroženija kategorija, rezultirao je masovnim napuštanjem Oružanih snaga BiH i policijskih agencija na nivou BiH.

Ovaj problem potvrđen je na Godišnjoj preglednoj konferenciji o stanju u sektoru odbrane i sigurnosti, održanoj 23. i 24. 11. 2016, kao i u izvještajima parlamentarnog vojnog povjerenika, gdje je zaključeno da rješavanje ovog pitanja ima visok prioritet. Poboljšanje materijalnog statusa vojnika, podoficira i policijskih službenika treba posmatrati u kontekstu plaća u BiH, što djeluje demotivirajuće i na trenutne pripadnike, ali i na buduće kandidate za prijem u Oružane snage BiH i policijske agencije na nivou BiH.

Predloženim izmjenama uvećavaju se koeficijenti za vojnike, podoficire te policijske službenike, što u ovom trenutku predstavlja djelimično rješenje za poboljšanje materijalnog statusa navedenih kategorija.

Platni razred	Čin	Trenutni koeficijent	Iznos osnovne plaće u BAM	Predloženi koeficijenti	Iznos osnovne plaće sa predloženim koeficijentima u BAM
1	Vojnik	1, 60	1010.40	1,70	1073.55
2	Vojnik I. klase	1, 65	1041.97	1,75	1105.13
3	Kaplar	1, 70	1073.55	1, 80	1136.70
4	Vodnik	1, 75	1105.125	1, 85	1168.28
5	Stariji vodnik	1, 80	1136.70	1, 90	1199.85
6	Stariji vodnik I. klase	1, 86	1174.59	1, 95	1231.43
7	Zastavnik	1, 89	1193.535	2, 00	1263.00
8	Zastavnik I. klase	2, 00	1263.00	2, 10	1326.15
9	Potporučnik	2, 10	1326.15	2, 40	1515.60
10	Poručnik	2, 20	1389.30	2, 50	1578.75
11	Kapetan	2, 30	1452.45	2, 60	1641.90
12	Major	2, 45	1547.175	2, 75	1736.63
13	Pukovnik	2, 67	1686.105	2, 95	1862.93
14	Brigadir	3, 16	1995.54	3, 45	2178.68

Platni razred	Čin	Trenutni koeficijent	Iznos osnovne plaće u BAM	Predloženi koeficijenti	Iznos osnovne plaće sa predloženim koeficijentima u BAM
1	Policajac	1, 80	1136.70	1, 82	1149.33
2	Stariji policajac	1, 95	1231.42	1, 97	1244.05
3	Narednik	2, 10	1326.15	2, 12	1395.61
4	Stariji narednik	2, 20	1389.30	2, 40	1515.60
5	Mlađi inspektor	2, 30	1452.45	2, 50	1578.75
6	Inspektor	2, 55	1610.33	2, 75	1736.63
7	Viši inspektor	2, 93	1850.30	3, 10	1957.65
8	Samostalni inspektor	3, 25	2052.38	3, 45	2178.68
9	Glavni inspektor	4, 20	2652.30	4, 40	2778.60

Iznos osnovne plaće za navedene kategorije su izračunate na osnovu usvojene Odluke o visini osnovice za obračun plaće zaposlenim u institucijama BiH za 2025. godinu. Visina osnovice je 631,50 KM, a njena primjena stupa na snagu narednog mjeseca od usvajanja Budžeta institucija Bosne i Hercegovine i međunarodnih obaveza Bosne i Hercegovine za 2025. godinu u oba doma Parlamentarne skupštine BiH.

III. PRINCIPI NA KOJIMA JE PRIJEDLOG ZAKONA ZASNOVAN

Prijedlog zakona zasnovan je na principima ustavnosti, zakonitosti, ravnopravnosti i apsolutne nediskriminacije.

IV. OBRAZLOŽENJE PREDLOŽENIH PRAVNIH RJEŠENJA

Članom 1. Prijedloga zakona povećavaju se koeficijenti za profesionalna vojna lica.

Članom 2. Prijedloga zakona povećavaju se koeficijenti za policijske službenike.

Članom 3. Prijedloga zakona utvrđuje se momenat stupanja na snagu.

V. FINANSIJSKA SREDSTVA POTREBNA ZA PROVOĐENJE ZAKONA

Provođenje ovog zakona zahtijeva dodatna finansijska sredstva koja će se osigurati kroz prilagođavanje u budžetu institucija Bosne i Hercegovine i uvrštavanjem u budžet za 2026. godinu

Finansijski učinci predložene izmjene zakona:

Povećanje koeficijenata za obračun plaća vojnika i podoficira, policijskih službenika a sve do kategorije imenovanih lica, rezultirat će povećanjem ukupnog iznosa plaća za ove kategorije. Dodatna sredstva bit će osigurana kroz prilagođavanje u budžetu institucija Bosne i Hercegovine i uvrštavanjem u budžet za 2026. godinu, uzimajući u obzir održivost ukupnih finansijskih obaveza. Dugoročno, predložene izmjene doprinijet će stabilizaciji ljudskih resursa u Oružanim snagama BiH, policijskim agencijama, smanjenju troškova vezanih za fluktuaciju kadrova i unapređenju operativne efikasnosti.